

დ რ მ ე ბ ა

სურათებიანი დამატება

გაზეთის № 278 კვირა, 13 დეკემბერი 1909 წ. დამატების № 49



სატანა, — კობაის სურათი.

ტკბილი ღუღუკი.

(დასასრული *1)

12.

მეშინოდა, მიხა ღელვას დაიწყებს ამ მისთვის სასტიკ უბედურობის ვაჟი და ვაი თუ დარდი ვერ აიტანოს მეტქი იმედ მიხდილმა, მაგრამ დიდი სიმტკიცე გამოიჩინა ხასიათისა და გარეგნობით არც კი შეიმჩნია ეს უბედობა. იგი უბრძოლველად მიეცა შავის ბედის ტალღებს და თავი მიანდო მათ ღენას. თავის სიყვარულის გაცუდებას ის ისე უყურებდა ეხლა, როგორც უკვე გარდასრულ მოვლენას, რომელთან ბრძოლა შეუძლებელი და იყო; უბედობას უკვე გამოეცა მრთელი თვისი სიმწარე და იგი სიმწარე მიხას უნდა დაეღივნა ნელ-ნელა, უნდა დაეცალნა ფიალა ვარამისა. მაინც რაღას გააწყობდა? მომხდარს ხელი ვეღარ შეუბრუნდებოდა, საქმის მისკენ მიხვრა შეუძლებელი და იყო. მართალია, გულჩათხრობილი დადიოდა ვაჟკაცი, ხშირად უნებლიეთ გმინვა ამოჰხდებოდა გულიდან, მაგრამ ეს ხომ აუცილებელი იყო და ბუნებრივი მის ყოფაში: მის საყვარელს ჯვარი დას-

წერეს სხვაზე და მას წილად ჰხვდა მხოლოდ ოხვრა უბედურისა. მაინც მიკვირდა, რომ მიხას დიდი მღელვარება არ ეტყობოდა. დარდი კი მქონდა მისი და ხშირად დავდიოდი მის სანახავად შინ თუ მალაზიაში მიხა ყოველთვის მხნედ გამოიყურებოდა, თავისებურად სუფთად ეცვა, ჰაზრიანად და მოხერხებულად ელაპარაკებოდა მუშტარს, მუყაითად ასრულებდა ყოველსავე თვის საქმეს. გამიღიმებდა, მომიკითხამდა.

— აღარა უშავს რა, ღმერთია მოწყალე! ვარამმა ვერ წარღვნა მისი გონება, ვერც დაიმონა მისი ნება თავისუფალი; მოზღვავებულ უბედურებას მამაცურად დაუხვდა, ვიფიქრე მე და დავმშვიდდი.

შემდეგაც ყოველთვის ესეთ შთაბეჭდილებას ახდენდა ჩემზე მიხა, თუმცა ქალი კ არ დაჰვიწყებოდა ჯერ და თითქო არც აპირებდა მის დავიწყებას: ქეთეთოს სახე პატარად აეღებინებინა და უბის საათსი ჩაესმევივნებინა. სურათი რომ შევნიშნე, გამოვართვი საათი და სინჯვა დავუწყე.

— ქეთეთოს სახეა, პაწაწად გადავადებინე საათისთვის: მინდა მარად თვალწინა მქონდეს ჩემი ოცნების სურათი, მითხრა მიხამ და საუბარი სხვა საგანზე გადაიტანა.



სალამური, — გვიერის სურათი.

— ეჰ, მალე შეაჩვევ თვალს მაგ ხატსაც. შემდეგ ჩაგიქრება ის მწვავე ჯანაობა, რომელსაც ეხლა გიღვივებს ეს სურათი და ბოლოს გასცვლი მაგ აჩრდილს უსულოს და

*) იხ. სურათებიანი დამატება № 48.

ცივს რომელსავე ხორცშესხმულ, ცხოველსყოფელ ყვავილზე და გაიხარებ, გავიფიქრე მე და თავი მივანებე მეგობარზე ზრუნვას.

ალარც მეცალა მისთვის: ეს ის დრო იყო, როდესაც მთლად ჩამითრია და ჩამიხვია ცხოვრების მორევმა: სამსახურში წინ წავიწიე, გავიცან რამდენიმე სახლობა წარჩინებული ხარისხით თუ ჩამომავლობით ან შეძლებით, დაუცბრომელად ვცდილობდი მხარ-და-მხარ მივყოლოდი მათ, არ ჩამოვრჩენოდი არაფერში. რა მიხასიათვის მეცალა! ახალ ნაცნობებში დაჟინებით დავეძებდი ჩემს იღბალს, რომელსაც ვერცხლით უნდა მოეკირწყლა ჩემი ცხოვრების გზა, რომ დაუბრკოლებრივ მევლო ამ გზით წარმატებისა და დიდებისაკენ.

ათასში ერთხელ მაინც შევივლიდი მიხასთან და ვრწმუნდებოდი, რომ იმასაც შეეგნო ცხოვრების ეშხი: სახლი სუფთადა ჰქონდა მოწყობილი, თითონ უნაკლულად იცავ-იხურამდა და თან ახერხებდა წითელ ოქროს გადავდებას შავი ღლისათვის. შეეძლო კიდევ, რადგან თითონ სადა ცხოვრებას ეწეოდა და მალაზიის პატრონიც ძალიან აფასებდა თავის უნაგარო ნოქარს, ხოლო ნიშნად პატივცემისა ჯამაგირს უმატებდა მას. ერთი რამ ზნევი დასჩემდა ჩემს მეგობარს: ხანდისხან ჩაიდებდა ფულს და გასწევდა საქეიფოდ. უფრო „ვაზა“ ჰქონდა ამოჩემებული, ის ბალი, სადაც მე და იმას ვახშამი გვქონდა ქეთეთოს ჯვარის წერის ღამეს და იგივე ადგილი. მოითხოვდა სანოვაგეს, სასმელებს, მოიხმობდა დასტას და ისმენდა დუდუკის ფერად ფერად ჰანგებს. თუ ამხანაგი შეესწრებოდა, კიდევ კარგი, თუ არა და მეზურნეებს თუ მსახურებს შეაქმევდა ფულს და ცალიერი დაბრუნდებოდა შინ. ნეტა თითონ მაინც ექამა ან დაელივნა! მეც შევისწრებდითარ ამისთანა მის ქეიფს. დროს გატარება ყოველთვისა ჰგვანდა იმ ვახშამს, რომელიც ჩვენ იქ პირველად გვქონდა: ისევ ის სევდიანი ხმები, ისევ ის დარღით მოცული გაქვავებული სახე და მშრალი თვალები. ქეთეთოს სახელს კი აღარ ახსენებდა, კრინტს არა სძრამდა იმაზე. ბევრჯერ მოვიწოდომე იმ ქალზე ჩამომეგლო საუბარი, ბევრჯერ დაეუახლოვე საუბარი ამ საგანს, მაგრამ ამაოდ: ქეთეთოზე ის ხმას არ იღებდა, თითქო ქალის სახე ამოფხვრილიყო მის მესხიერებიდან; ნამდვილ კო იმ ქალს დასტრიალებდა მისი ფიქრები, მას შეჰკვცნესოდა მისი გული. გახსნიდა საათს, დააკვირდებოდა ქალის სახეს და სასტიკი რამ გრძნობა გაუბრუნდა თვალებში.

გავიდა წელიწადი, მიიწურა მეორეც, მიხას ამგვარ ცხოვრებას კი ცვლილება არა ჰქონდა, ვცადე წამეყვანა ნაცნობებში, ახალი სახე მეჩვენებინა მისთვის, ახალი სული გამეცნობებინა, რომ ვგებ ახლა მას შემოპხვევოდა გარს ვაჟის ოცნება თუ გრძნობა, მაგრამ მიხა ყველას ერიდებოდა; უზარმაზარ ქალაქში სცხოვრებდა ისე, როგორც განდევნილი ვინმე, განპარტოებული. გული ჩასთხრობოდა ვაჟკაცს, ჩაჰხვეოდა, ჩაჰხველებოდა.

სხვად ძლიერ წმიდადა სცხოვრობდა მოწიფული ახალგაზრდა, უმანკოდ; თითქო აღარც კი ამჩნევდა თავის გარშემო ქალთა ძვირფას არსებობას. მე რომ ისე არ გავუშვებდი ქალს, თუ თვალი არ ამედევნებინა მისთვის და გულისთქმის ვარდი არ მესროლნა მისთვის, ის ზედაც არ უყურებდა ამ ცხოვრების მაშვენებელ არსებას. რამდენჯერმე

ვეცადე შემეგნებინებინა მისთვის, რომ უარყოფითად დასტრიალდა ქვეყნიურ სიამისა არის გმობა მთელის ბუნებისა, მაგრამ ვერაფერი შევასმინე გაქვავებულს. მწყინდა ესეთი მისი უგრძნობლობა, ჯავრი მომდიოდა, მაგრამ ვერას გავხდი: არც ერთხელ არ ინება შესულიყო წალკოტს სანუგეშოდ და მიეღო ევასაგან ნაყოფი ხისა მის ცნობადისა. მე მაინც გულში დარწმუნებული ვიყავი, რომ ეს დროებით მოვლენა იყო მიხას ცხოვრებაში და დაჰკრამდა ჟამი, როდესაც იგი კვლავ იგრძობდა სიხარულს, მაგრამ აღარ დასცალდა მას.

13.

შეუსრულდა ნატვრა ქეთეთოს მამას: მიათხოვა ქალი ივანე ივანეს ძეს, მაგიდის ვაჰგებელს, კაცს ჩინებულს და წარჩინებულს. დიდ ვინმედ მიაჩნდა სიძე, პატივსაღებლად. თითონ სამსახურში გადამწერლობას ვერ ასცდა, მარადის მონა იყო ამისთანა მოხელეებისა, ეხლა კი სიმამრი შეიქმნა სახელოვნის გვამისა! კეთილშობილთა რიცხვში მოექცა მისი ქეთეთო, აღმატებულთა გუნდში. ამყობდა კაცი ამისთანა გამარჯვებით. უღვაშს იგრებდა თავმომწონედ.

— მაშ, ქალო! თუ მე არა ვცდილიყავ, არ მომეღერსნა კაცისთვის, გული არ დამეხვივნა, ასეთს ბედს ვერ შეეყრებოდა ჩვენი შეილი. იქნება შენი ვილაც ნოქრისათვისაც კი მიგეგლო ქალი.

ცოლი როგორღაც ვერ თანაუგრძნობდა თავის ქმარს, ვერ უზიარებდა მას აღტაცებას. მიზეზიცა ჰქონდა ამისა და ამ მიზეზს დედის გამპრიხნი თვალის პირველ დღეებიდანვე ჰხედავდა, თუშეა კი ჯერ არავის უმხელდა: არ უნდოდა ცოლ-ქმრის საქმეში ჩარეულიყო. დედამედი ჰქონდა, რომ ქეთოს ოჯახში ხალხი დროებითი იყო, წუთიერი და მალე განქრებოდა. სცდებოდა გული დედისა: მთელი რომ დაჰყვა ქეთეთოს ბედ-იღბალს, თანდითან იზრდებოდა იგი ჩრდილი, ისწრფოდა გადაქცეულიყო სიბნელედ ჩაენთქა ქალის გარშაპო ყოველივე შიქი სიხარულისა.



მგონანი ღავით გურამიშვილი.

ეს სურათი ეხლა აღმოჩნდა. აქამდე პოეტის სურათი არ მოიპოვებოდა (იხ. „დროება“ № 275).

უბედობა ის იყო, რომ ქმარმა პირველ დღიდანვე ბრუნდებდა დაუწყო ყურება თავის მეუღლეს ქალი წმინდად ვერაღაპარაკობდა ქმრის ენაზე და ეს არ მოსწონდა კაცს, იმრიზებოდა, მეტადრე როცა სტუმრები ჰყვანდა; ქალს უყვარდა ფეხმორთხმული ჯდომა, ესე იყო შეჩვეული, ხელსაქმეც ესე უფრო ეხერხებოდა, ქმარს კი გული ემღვრებოდა ამაზე და სცდილობდა დაევიწყებინა ეს ჩვეულება; ქალს უცხო საქმელი არც მოსწონდა და არც ეხერხებოდა, კაცი სადილვახშამზე უკმაყოფილო იყო და ბუზღუნებდა. მოჰვლიჯ ქალს ჩქილ-თასაკრავი და შაპო წამოარქვა. ქალი მოკრძალებული ქცევისა იყო და წყნარი, კაცს ეს დაჩაგრულობად მიაჩნდა და დასცინოდა. კაცი თხოულობდა, რომ ქალს საწოვადე თითონ ევაკრნა, თითონ ევლო ყასაბთან თუ ბაყალთან, ქალმა ვერ შესძლო ეს და კაცი ცოფდებოდა ამაზე ქალს ქართული კითხვა უყვარდა, გულს აყოლებდა, საამოვნებდა, ქმარს ქართული სიტყვა არც ესმოდა, არც მოსწონდა; იქამდის მივიდა საქმე, რომ ქალი წიგნსა ჰმალავდა ქმრის ფეხის ხმაზე. ქალს უყვარდა დიღინი, ქართული ხმების შეწყობა, თარიც იცოდა და მის სიმთა ეღერაში აღნობ

და გულის ვარამს, ქმარს არ ესიამოვნებოდა ეს ხმები, მისთვის ეს ნაზი და თავისებური ჰანგები გაუგებარა იყო და უაზრო.

ათას გვარ წვრილმანში ირჩეოდნენ ცოლა და ქმარი ხასიათით თუ აღზრდით, ყველა წვრილმანში გამოსტვივოდა მათი გემოვნებისა თუ ზნე-ჩვეულების განსხვავება, მათი სხვა და სხვა შეხედულობა ოჯახზე თუ ხალხზე. იშვიათი იყო ისეთი რამ მათ ცხოვრებაში, სადაც იმათი გემოვნება თუ შეხედულობა ერთგვარი ყოფილიყო და შეთანხმებული. კაცს კი არც იმდენი ხათრი ჰქონდა ცოლისა, არც იმოდენა მოთმინება, რომ ცოტა რამ დროებით მაინც დაეთმო ქალისათვის. ნორჩს გულს ქალისას სიყვარული სწადოდა აღტაცებული, ხოლო ქმარი მიუძღვნიდა გულს გაციებულს, გრძობას დაჩქვითილს, გამოფიტულს. ქალი სცდილობდა მოთმინებით დაეძლიებინა ყოველივე და ჩამოეგდო სიმშვიდე ოჯახში, სცდილობდა შესჩვეოდა ქმარს, გული შეეწყო მისთვის, მაგრამ შეუძლებელი გამოდგა მათ შორის სულიერი კავშირი და თუნდ აჩრდილი ერთობისა. ვერ შესძლო ქალმა ასეთი ყოფა და თრთოდა, კვნესოდა, ილეოდა. მთლად აუტანელი ხდებოდა კაცი, როცა ნასვამი ბრუნდებოდა. სასტიკად გამოიყურებოდნენ მისი გამოარეცხილი ცივი თვალები.

— არაყი! არაყმა მსურს ჩაიღწო დარდი ჩემი მოუნელებელი! გასცემდა ბრძანებას ჩახოცილობისათ.

მოუჯდებ და წინწანაქარს და სვამდა ნელ-ნელა სვამდა დაჟინებით, სვამდა დაუსრულებლად. სვამდა და მოსტკვამდებოდა. კაცს უბედო ბედს, იღვერფლებოდა, გრძობის ცრემლებით ისველებდა გახუტებულ წვერ-ულვაშს, სანამ კინწი არ მოსწყდებოდა და არ ჩაეძინებოდა. ქალი გადაწვევდა კაცს ტახტზე, მიხურავდა და ჩამოჰყრიდა უღონოდ ხელებს, მიეცემოდა შიშვე საგონებელს. დარდობდა ქალი, რომ ბედმა უმუხთლა მას, შეაუღლა უფერ კაცთან და სამუდამოდ ჩაუშავებნელდა ცხოვრება. განა ამისთანა კაჟკაცზე ოცნებობდა ქეთეთო! მისი ოცნების გმირი არ იყო რაინდი საკვირველი, იგი იყო მუშაკი ტკბილი, წყნარი, ცოლ-შვილისათვის თავდადებული. ქალის ოცნებაში ეხლა თანდათან ირკვევოდა და სხივოსნდებოდა სანდომი სახე მისი სიყვარულით გაზაცხვებულ მიხაკოსი. თუმცა ქალი ირიდებდა ამ სახეს, თავის ფიქრებს და გრძობებს გარს არ ახვევდა, რადგან ამგვარი ფიქრთა დენა ცოდვად მიიჩნდა და ღალატად. დარდობდა ქალი და თავის დარდს არავის უმხელდა, დედსაც კი არ უზიარებდა, თუმცა ამოდ სცდილობდა დაფარვას: მისი ჩაფერფლილი სახე ცხადჰყოფდა მის ღუბჭირ ცხოვრებას.

ყველა ეს დარდი არ აქმარა ქალს მისმა მწარე ხვედრმა. ერთხელ სამსახურიდან ძალიან ავგუნებაზე დაბრუნდა კაცი: უფროსს შენიშენა მიეცა მისთვის, დაეტუქსნა. მას შეუდგა ჭირათ საფონებლად. გაჭირვეულდა გალოთებული და ჰიქა დაანარცხა იატაკზე. სასმლის ჰაქანზე ქალი ზე წამოვარდა, მიჰკივლა. კაცმა ძლიერ იწყინა და გაცოფებულმა ხელი ჰკრა ცოლის გულში, ქალი გადიმზღვრა იატაკზე და გული შეუწუხდა.

ვიცოდი, რომ ქეთეთო ავადმყოფობდა, გულს იტკივებდა, ზერაქვერად იყო, მაგრამ ის კი არ მეგონა, ისე მალე მოესწრაფებოდა დღე იმ ნორჩ ქმნილებას. ბოლოს ჟამს ქალს ქმარი სულ დაჰვიწყებოდა, პირი შეექცია მისთვის, აღარ ახსოვდა მისი ვინაობა. სხვა რამ სურათი დაჰსახოდა მის გაწამებულ გონებას და ავადმყოფი იმ სურათს შესტრფოდა ეხლა.

კაცი გამოეგზავნათ ჩემთან. ქალი ბალიშებზე იყო მიღვინებული. თვალცრემლიანი დედა გვერდს ეჯდა და უსიტყვოდ ჩასჩერებოდა. მძიმედ სუნთქავდა ქეთეთო, ხრიალით. თვალები მოჰრღვეოდა, მიფერფლილ სახეზე გრძობად დაჰფენოდა გიშრის წამწამი; ხელებს აცოდვილებდა მოუსვენრად. ავადმყოფმა გაალო თვალები, მიხედ-მოიხედა და გაკვირვებით შეჰხედა დედას

— რა იქმნა, დედიჯან, მიხაკო? ეხლა ხომ აქ იჯდა ჩემთან.

— ვინ მიხაკო, გენაცვალე?

— ჩვენი მიხაკო, ქა, ჩემი დანიშნული!—სთქვა ქალმა და ჩარჩეულ ლოყებზე სიწითლემ გაღურბინა.

მაშინვე მივხვდი, ვინ მიხაკოს კითხულობდა ქალი, გავექანე ეტლით და მოვგვარე ჩემი მეგობარი. ქალი გარინდებული იწვა, ხელი გადმოეღო ბალიშზე. მიხა მივიდა სარეცელთან, ცალმუხლზე დაიჩოქა და ხელზე აკოცა ავადმყოფს.

— მიხაკო, შენა ხარ, ჩემო სიცოცხლე?

— მე ვარ გენაცვალე! ეს რა ამბავია შენს თავს?

— დაჯექ, სიყვარულო, ჩემს ახლო დაჯექ!

დედა ფეხაკრებით მოშორდა ქალის საწოლს.

— ვკვდები, გენაცვალე, და მომსურვილდა შენი ნახვა. ვიცოდი, რომ მოხვიდოდი.

— სულ შენთანა ვარ, ჩემო სიცოცხლე! ბალობიდან ჩემი გონებიდან განუშორებელი იყო შენი თვალები, შენი სახე, შენი ტკბილი ხმა. განახე და მაშინვე გიცანი. მას აქეთ შენით და ვცხოვრობ, შენით ვსულდგმულობ. აი, საყვარელო, — უთხრა ვაჟმა და უჩვენა ქალს მისი სახე საათში.

— ჩემს გონებას კი ბინდი ჰქონდა გადაფარებული. რალაცა სახეს ევლებოდა თავს ჩემი აზრი, ვილასაც ეტრფოდა ჩემი გული, მაგრამ ჩემმა საწყალმა გონებამ ვერ გამოარკვია იგი სახე და ვეღარ გიცანი, როდესაც განახე... წყალი, გენაცვალე!

მიხამ მიუპყრა ქალს ჰიქა. ქალმა დაისველა გაფიცებულ ტუჩები და განაგრძო:


— შემდეგ ნელ-ნელა ჩამოიხსნა ფარდა ჩემის გონების თვალს და ეხლა ვიცი, რომ შენა ხარ ჩემი ერთად-ერთი სიყვარული, უწინ რომ ვცხოვრობდი, მაშინდელი ჩემი სიყვარული. თურმე შენ მოგელოდდა გული კრული! აზრმა კი დახშულმა ვერ გიცნო შენ.

— იცი, ქეთეთო... ახ! უწინ სხვა სახელი გქონდა, ვეღარ მომიგონია. იცი, ქეთეთო, მე ცხადად მახსოვდა შე-



მარჯორი შარდროპი,

რომელმაც ქართული ენა შეისწავლა და ინგლისურად გადასთარგმნა ილ. ჰავჭავაძის „განდგეილი“ და სხვა თხზულებანი. გარდაიცვალა 24 ნოემბერს (იხ. „დროება“ № 271).



ნი თვალები, აი ეს მშვენიერი თვალები, — უთხრა მიხამ და ნახად შეეხო ქალის წამწამს: — შენს ხმასაც კარგად ვარჩევდი, მაგრამ სახე კი მიეფარა ჩემს გონებას, ველარ წარმომედგინა, სანამ არ შეგხვდი.

ქალს სიხარული დაეტყო, აღტაცება რამ დაესახა, მიმ-ქრალი თვალები ნათელმა გაუშუქა!

— ამაყენე, გენაცვალე!

ვაჟმა მოჰხვია ხელი და ფრთხილად წამოსვა! ბალიში გაუსწორა.

— ეგრე იყავ, სიყვარულო, ხელს ნუ მომაშორებ! — უთხრა ქალმა და გადისვა ხელი სახეზე, თმა გაისწორა, მერე მხარზე დაეყრდნო ვაჟს დაქანცული.

— გახსოვს, გენაცვალე, ჰაერთა სივრცეში რომ მიეცურავდით ესე გადაჯდომილნი? — შეეკითხა ქალი.

— მახსოვს სიზმარივით.

— როგორი წყვილია იყო! როგორ ციოდა! იცი. სიყვარულო, ის მძაფრი სიცივე უკვე გამიჯდა ეხლა ჯანში, სთქვა ქალმა და შეაჟრჟოლა.

ვაჟმა გულში ჩაიკრა ავადმყოფი, სცილილობდა გაეთბო იგი.

— მაშინ აკი მივალწიეთ კიდევ ნათელთა სამღობელოს, ვერ კი ველირსენით იქ დამკვიდრებას. ხომ გახსოვს ხმა: ძლიერია თქვენი სიყვარული, გარნა ტანჯვით უფრო განასპეტაკებთ მას და იგი სიყვარული შეგაერთებთ საუკუნოდ!

— ეხლაც ყურში მიდგა იგი ხმა ციური! მიუგო ვაჟმა.

— რა საშინელი ჰაერის მცველნი გვეყვებოდნენ თან! როგორ სცილიობდნენ გავყარენით, დავეშორებინეთ ერთმანეთს საუკუნოდ. ჩვენი სიყვარული გვინათებდა, არ უშვებდა მათ ჩვენთან.

— კვლავ გაგინათებს იგი სიყვარული წყვილადს უსახ-დვროს, ჩემი სიცოცხლე! მიუგო ვაჟმა აღტაცებით.

— მეშინიან იმათი! ჰაერის მცველებისა მეშინიან! იქ დამხვდებიან მარტოს, ამედევნებიან, — სთქვა ქალმა და მიეკრა ვაჟკაცს.

— ნუ, გენაცვალე! აი შენთანა ვარ.

— იქ, იქ მარტო დავრჩები, ჩვენი სიყვარულის ლამპარი ჩაქრება უშენოდ და ბნელი მომიცვავს, წყვილია ჩანთქამს. მეშინიან! — წარმოსთქვა ქალმა და ძრწოლა აღებექდა სახეზე.

— არა, გენაცვალე! ჩაუქრობელია ჩვენი სიყვარულის ლამპარი, ეხლა უფრო ბრწყინვალე იქნება იგი, რადგან ჩვენ, იგი ჩვენი სიყვარული გავასპეტაკეთ დიდი ტანჯვით. ოხ! ძლიერ ვიტანჯებოდი ამ ორ წელს უშენოდ.

— მეც ვეწამებოდი უშენოდ, სიყვარულო! გავიგე ჩემი შეცდომა, გიცანი, მაგრამ გვიანდა იყო. მინდოდა გამეზიარებინა შენთვის ჩემი ტანჯვა, მაგრამ ეს დალატი იქნებოდა ნაკურთხი გვირგვინისა. ეხლა სხვაა: ეხლა აღარ ვეკუთვნი ამ ქვეყანას.

— ეხლა სხვაა, ეხლა ჩემივე ხარ, ეხლა შენთანა ვარ საუკუნოდ! ველარავინ მომტაცებს შენს თავს, ველარავინ დამაშორებს შენს გულს ველარც აქ, ვერც იქ, იმ ქვეყნად!

— მაშ ისევ გიყვარვარ, მაშ არ დამტოვებ, მაშ არ გამიშვებ მარტო?


— არა, გენაცვალე, არასოდეს!

— მაკოცე, სიყვარულო!

ვაჟმა ჩაიკრა გულში სატრფო, დაუკოცა ბაგე და ფრთხილად მიაწვინა ბალიშებზე, ხელი კი არ მოაშორა. ქალი დამშვიდდა, სიამის რამ ნათელი წყნარი გადაეფინა სახეზე.

კუკიის სასაფლაოზე დავკრძალეთ ქეთეთო, განაპირას, გორაკების მხარეს. ორი დღის შემდეგ იქვე გაუთხარეთ სამარე მიხაკოს. ბანგი დაელივნა. ანდერძში მეხვეწებოდა, ქეთეთოსთან დამმარხეო. იმასაც მავალბდა ყოველწლივ მომეხსენებინა მათი სული და დუღუკი ამეკვნესებინა მის საფლავის მახლობლად იმ ხმების მოსაგონებლად, რომლებიც ჰხიბლამდნენ მას ცხოვრებაში. ორივეს ერთნაირი ქვა ადევთ. ვასრულებ მეგობრის ანდერძს და ყოველ წელს მის გარდაცვალების დღეს ტკბილი დუღუკი დასტირის შეყვარებულთა სამარეს.

გ. ბარნოვი.



მეფუსიკე იოსებ ივანეს ძე რატილი,

პირველი ვადამღები ქართულ სახალხო სიმღერებისა ნოტებზე.

წერილი ამბებში

გონების დაკარგვის იშვიათა შემთხვევა.

ამერიკაში ერთი შემთხვევა მოხდა, რამაც იქაურ პსიხიატრ სპეციალისტთა შორის დიდი ინტერესი გამოიწვია. ქალაქ ჩიკაგოს სურათ-მოდელი ვილიამ მეიერი, ახლად რომ დაქორწილდა, გასასურნებლად 1906 წელს ქ. სან-ფრანცისკოში წავიდა. იმ დროს მოჰყვა სან-ფრანცისკოში, როდესაც იქ დიდი მიწის ძვრა მოხდა, სახლები დაანგრია და კალიფორნიის დედა ქალაქი მთლად გაანადგურა. ის სასტუმრო, სადაც მეიერი თავის ახალგაზრდა ცოლით ჩამოხტა, მიწისძვრის დროს სულ განადგურდა, მტვრად იქცა. თითონ მეიერი თავში მძიმედ დაშავდა. როდესაც გამოდნობდა, ძალა მოკრიფა — ველარავინ ვერ იცნო—გონება დაეკარგა. ვერ იცნო ვერც ცოლი და ვერც ახლო მეგობრები. სასოწარკვეთილი ცოლი იძულებული შეიქნა თავის მშობლების სახლს დაჰბრუნებოდა, ხოლო ავადმყოფი მეიერი მეგობრებმა ჩიკაგოს წაიყვანეს და საკუთარ სახლში მკურნალი მიუზინეს. ერთხელ ისარგებლა შემთხვევით, რომ მკურნალს ეძინა და ავადმყოფი მეიერი გაიპარა სახლიდან. იხეტილა ქალაქის ქუჩებში და ბოლოს რკინის გზის სადგურს მიაღწია. სწორედ იმ დროს სწრაფი მატარებელი ელვის სისწრაფით მიჰქროდა ლიანდაგზე. ვილაც უცნობი კაცი გადაეღობა მატარებელს და სწრაფლ გაჩქეჭყა. მეიერი უყურებდა ამ სცენას. საშინელმა სურათმა ისეთი შთაბეჭდილება იქონია იმაზე, რომ სწრაფლ გონება დაუბრუნდა. ამ ჟამად მეიერი სრულიად ჯანსაღად არის, დაუბრუნდა მეხსიერებაც, ძველი მოგონებანიც, იცნო მეგობრებიც, ცოლიც და კვლავ ძველებურ ოჯახურ ცხოვრებას დაუბრუნდა.

